
Detencionnan a cuminsa cay relaciona cu caso di ladronicia na cas di Claudius Philips

Esun cu horta-bende y esun cu a cumpra tambe deteni!

ORANJESTAD (AAN): Na e momentonan aki, segun informe, husticia a pone man riba dos persona relaciona cu hortamento na cas di e conocido cantante Claudius Philips.

Manera ta conoci e artista masha popular y conoci a bira victima di ladronicia. Ladron a kibra drenta horta den cas di e artista y a horta cantidad di articulo di gran balor. Entre otro dos laptop, holoshi di gran balor y recuerdonan personal.

El a denuncia e caso di ladronicia na Recherche y mientras tanto a start investigacion.

Segun informacion cu e investigacion te na e momentonan aki a produci dos detencion.

A logra detene un homber naci na Curaçao cu a bende aparentemente e holoshi na un establecimiento di compra y benta.

Investigacionnan hasi a conduci cu a detente un hende muher y mas despues esun cu a bende e holoshi di gran balor.

No ta exclui cu lo por tin mas detencionnan lo ta bay tuma lugar den e proximo dianan relaciona cu cantidad di ladronicianan reporta na Recherche cu tambe lo haya claridad.